

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Broj: 02-011-58/00
Sarajevo, 21. marta 2000.

Z A P I S N I K

**s 14. sjednice Doma naroda Parlamentarne skupštine Bosne i Hercegovine, održane
21.3.2000.**

Sjednica je počela s radom u 14,30 sati
Sjednicom je predsjedavao Drago Ljubičić, predsjedavajući Doma naroda Parlamentarne skupštine Bosne i Hercegovine.
Na sjednici doma bilo je 14 delegata.

Nakon što je predsjedavajući konstatovao da ima kvorum predložio je sljedeći

D N E V N I R E D

1. Verifikacija mandata delegatu iz reda hrvatskog narod
2. Razmatranje Prijedloga zakona o izmjenama i dopunama Zakona o Savjetu ministara BiH i ministarstvima BiH - predlagач poslanik Vito Rakić
3. Delegatska pitanja

Nakon rasprave u kojoj su učestvovali Mugdim Herceg, Avdo Čampara, Momir Tošić, Vinko Zorić, Vladimir Šoljić, Pajić Đoko, Ristan Ristić i Izet Žigić predloženi dnevni red je usvojen jednoglasno

AD. 1. Verifikacija mandata delegatu iz reda hrvatskog naroda

Delegatu iz reda hrvatskog naroda, Zoranu Mariću verifikovan je mandat. Delegat Zoran Marić je dao svečanu izjavu.

AD. 2. Razmatranje Prijedloga zakona o izmjenama i dopunama Zakona o Savjetu ministara BiH i ministarstvima BiH - predlagач poslanik Vito Rakić

U raspravi su učestvovali Avdo Čampara, Vinko Zorić, Momir Malić, Pero Marković, Ismet Šarčević, Vladimir Šoljić, Pajić Đoko, Ristan Ristić i Izet Žigić.
Delegat Avdo Čampara podnio je sljedeće amandmane:

Amandman I

U Zakonu o Savjetu ministara Bosne i Hercegovine i ministarstvima Bosne i Hercegovine ("Službeni glasnik BiH", broj 4/9) član 3, mijenja se i glasi:
"Član 3.

1. Predsjedavajući Vijeća ministara, koji istovremeno vrši funkciju ministra koordinatora, dva ministra koordinatora, ministar vanjskih poslova, ministar civilnih poslova i komunikacija i ministar vanjske trgovine i ekonomskih odnosa čine vijeće ministara.

2. Svaki ministar, osim ministra koordinatora, ima dva zamjenika koji nisu iz istog konstitutivnog naroda kao ministar. Ministri koordinatori nemaju zamjenike.

3. Predsjedavajući i dva ministra koordinatora moraju biti predstavnici sva tri konstitutivna naroda u BiH”.

Amandman II

U članu 6., u tač. 1. riječi “predstavnik drugog konstitutivnog naroda u BiH iz reda ministara koordinatora”, zamjenjuju se riječima: “predsjedavajući iz drugog konstitutivnog naroda u BiH”.

Amandman III

Član 27. se mijenja i glasi:

“Postoje tri ministra koordinatora.

Predsjedavajući vrši funkciju jednog ministra koordinatora.

Ministar koordinator za ljudska prava, izbjeglice, imigraciju i azil koordinira u aktivnostima preduzimanja mjera u zaštiti ljudskih prava, u skladu sa Ustavom BiH i međunarodnim konvencijama; koordinira u poslovima povratka izbjeglica i u tome ostvaruje saradnju sa entitetima; koordinira u provođenju politike i izvršavanju propisa u oblasti imigracije, azila i emigracije.

Ministar koordinator za evropske integracije i Pakt stabilnosti koordinira u provođenju politike i preduzimanju mjera neophodnih za uključivanje Bosne i Hercegovine u evropske integracione procese i koordinaciju aktivnosti u okviru Pakta stabilnosti.

Ministar koordinator za trezor institucija Bosne i Hercegovine koordinira u pripremi i provođenju Budžeta institucija BiH, izvršavanje međunarodnih finansijskih obaveza BiH, i koordinira ukupne aktivnosti na osiguranju budžetskih sredstava”.

S obzirom na to da je donošenje ovog zakona, od strane bošnjačkih delegata, proglašeno vitalnim interesom o amandmanima i Prijedlogu zakona glasalo se i po klubovima delegata.

Prvo se glasalo o amandmanima.

Amandman I nije usvojen jer nije dobio potrebnu većinu glasova iz reda bošnjačkog naroda.

Amandman II nije usvojen jer su za ovaj amandman glasala 2 delegata a 11 je bilo uzdržanih.

Dva delegata iz Kluba bošnjačkog naroda bila su za usvajanje amandmana.

Uzdržani su bili svi delegati iz Kluba hrvatskog naroda i Kluba srpskog naroda i dva delegata iz Kluba bošnjačkog naroda

Amandman III nije usvojen jer su za ovaj amandman glasala 2 delegata a 11 je bilo uzdržanih.

Dva delegata iz Kluba bošnjačkog naroda bila su za usvajanje amandmana.

Uzdržani su bili svi delegati iz Kluba hrvatskog naroda i Kluba Srpskog naroda i dva delegata iz Kluba bošnjačkog naroda

Nakon glasanja o amandmanima glasalo se o Prijedlogu zakona.

Klub hrvatskih delegata je glasao za usvajanje zakona.

Klub srpskih delegata je glasao za usvajanje zakona.

Iz Kluba bošnjačkih delegata tri delegata su glasala protiv usvajanja zakona a jedan delegat je bio uzdržan.

Predsjedavajući je konstatovao da zakon nije usvojen

AD. 3. Delegatska pitanja

Delegatska pitanja nisu postavljana.

Sjednica ja završila s radom u 18,15 sati.

Magnetofonski snimak čini sastavni dio Zapisnika.

PREDSJEDAVAJUĆI
DOMA NARODA
PARLAMENTARNE SKUPŠTINE BiH
Drago Ljubičić